



ANG

Bayan

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Tuig XLI No. 10
Mayo 21, 2010
www.philippinerevolution.net

Editorial

Mga singgit sang banwa ang isug-alaw sa magapungko nga rehimeng Aquino

Nagaguwa nga ang masunod nga mamuno sang neokolonyal nga estado sa Pilipinas amo si Benigno "Noynoy" Aquino III, base sa pauna nga resulta sang nagtaliwan nga reaksyunaryong eleksyon.

Sa tion nga makapungko si Aquino sa Hunyo 30, determinado ang pumuluyong Pilipino nga iduso ang paglubad sang mga basehan nga pangpulitika kag sosyo-ekonomikong halambalanon nga madugay nila nga ginantus sa idalom sang garuk nga sistemang malakolonyal kag malapyudal.

Numero Uno nga singgit sang pumuluyong Pilipino ang pagbista kag pagsilot kay Gloria Arroyo kag iya nga mga kahimbon sa tanan nila nga krimen samtang ara sa poder.

Katarungan ang singgit nila sa tuman kadamo nga kaso sang pagpangdambong, lakip ang pila ka bil-yong piso nga suhol sa proyekto nga ZTE-National Broadband Network, proyektong IMPSA-Caliraya, proyektong Diosdado Macapagal Boulevard, pagpanunto sang Fertilizer Fund kag Swine Fund kag iban pang kaso sang daku nga pagpandambong.

Ginaduso nila ang katarungan kag kabayaran sa tuman kadamo nga krimen sa katawhan kag paglapas sa tawhanong

kinamatarung sa pagpatuman sang Oplan Bantay Laya 1 kag 2. Hustisya ang singgit sang mga tagapangapin sang tawhanong kinamatarung kag mga pamilya, abyan kag tagasuporta sang masobra isa ka libo nga biktima sang ekstrahudisyal nga pagpamatay, linibo pa nga ilegal nga gin-aresto, gintortur kag ginkulong, gindukot kag nangin desaparesido; kag pila ka milyon nga biktima sang pwersahang



Mga tampok sa isyu nga ini...

Ang nagaindakal nga away Arroyo-Aquino
PAHINA 3

Meyor, 4 nga eskort, ginhilway
PAHINA 7

Ituhaw si Embati --BHB-FSMR
PAHINA 8

pagbakwit, pagpangawat, pagpanu-
nog, pagguba sang ila nga mga ba-
lay kag ulumhan sa kamot sang mga
pasistang tropa sa idalom ni Arroyo.

Gusto sang pumuluyo nga
bayaran ni Arroyo ang paglapak ni-
ya sa pungsodnon nga kahilwayan
sa pagpatuman sang mga polisiya
sang imperyalistang neoliberalismo
nga dikta sang US. Katarungan ang
singgit nila sa pagbukas sang mga
kadutaan kag dunang-manggad
sang pungsod sa pagdambong sang
mga dumuluong nga korporasyon,
sa paghatag-dalan sa pagpasilabot
kag permanente nga presensya
sang mga pwersa militar sang US.
Pagasukton nila ang pagpahilway
kay Daniel Smith, suldado nga
Amerikano nga nasentensyahan sa
paglugos kay Nicole sadtong 2004.

Lubos nga kundenahon sang
banwa ang anuman nga pag-atras-
abante ni Aquino sa paglagas, pag-
aresto, pagbista kag pagsilot kay Ar-
royo kag iya kahimbon sa atubang
sang padayon nga pagpakatig-a kag
pagmaniobra sang mga ini.

Samtang, sa ginapaabot nga
pag-uyat naman ni Aquino sa
ehekutibong sanga sang reaksyu-
naryong gubyrno magahapos ang
pagbalik sa poder sang pamilyang

asendero sang mga Aquino-Coju-
angco. Balbalon ang iya rehimen
sang singgit sang masang mangu-
nguma para sa tunay nga reporma
sa duta, lakip ang pagbasura sa
paltik nga *stock distribution option*,
ang gilayon nga pagpanagtag sa
malapad nga kadutaan sang mga
Cojuangco kag ang paghatag sang
katarungan sa mga biktima sang
masaker sa Hacienda Luisita.

Nagapamilit ang mga Aquino-
Cojuangco nga padayon nga uyatan
ang Hacienda Luisita samtang gi-
nalikawan naman ni Aquino ang is-
yu sang tunay nga reporma sa du-
ta. Pat-ud magatampok ang pagsu-
long sa bilog nga kapuluan sang re-
bolusyonaryong paghimakas para
sa tunay nga reporma sa duta kag
paghilway sang mga mangunguma
sa pyudal nga pagpang-ulipon.

Ara sa likod ni Aquino ang mga
dumuluong nga negosyante, daku
nga agalon nga mayduta, daku nga
kumprador, ang pamilya Aquino-
Cojuangco (ang ginatawag nga
"Kamag-anak Incorporated") kag
ang mga paltik nga repormista. Si-
la lunsay tagasakdag sang mga
polisiya nga neokolonyal, pyudal
kag elitista. Subong pa lang, wala
pa man sila makapungko, masingki

na ang mga kontradiksyon sa tunga
sang nagkalain-lain nga paksyon sa
kampo ni Aquino nga nagaagaway
sa pagpangibabaw sa gahum, sa
pagpuga sa kabang-manggad kag
sa paghimulos sa pumuluyo.

Sa atubang sang tanan nga ini,
determinado ang pumuluyong Pili-
pino nga iduso sa bag-ong presi-
dente ang pagtapos kag pagbawi
sa mga polisiyang neoliberal nga
dikta sang IMF nga masupog nga
ginpatuman sang rehimeng US-Ar-
royo kag mga naunang rehimen.
Igaduso nila ang pag-untat sa pag-
talana sang malapad nga kadutaan
agrikultural kag sa dunang-mang-
gad sang pungsod para dambungan
kag waskon sang mga korporasyon
nga imperyalista, daku nga kum-
prador kag burukrata kapitalista.

Singgit nila ang pagtukod sang
tunay nga nasyunal nga industriya
sa baylo sang mga malamanupaktu-
ra, mga *export processing zone*,
mga *outsourcing center*. Idemanda
nila ang pagtapos sa polisiya sang
pag-eksport sang mamumugon,
ang pagtuga sang lubos nga em-
pleyo sa baylo nga kaswal kag kon-
traktwal, kag ang garantiya sang
makatarungan kag daku nga pag-
taas sa sweldo agud bisan paano
makalagas sa pagtimbuok sang
gastos sa pagpangabuhi. Ang na-
gapadayon kag nagalala nga inter-
nasyunal kag lokal nga krisis ang
nagatulod sa masang anakbalhas
kag pumuluyong Pilipino nga naga-
antus nga lakbayon ang dalan sang
militanteng paghimakas.

Igaduso man kay Aquino ang
mga patriyotikong demanda sang
pagtapos sa permanenteng presen-
sya sang mga tropang Amerikano sa
Pilipinas kag sa mga indi patas nga
kasugtanan sa US. Singgit sang mga
patriyotikong pwersa kag pumuluyo
ang pagtapos sa pagpasilabot sang
mga tropang US sa internal nga ha-
lambalanon militar sa pungsod,
lakip ang papel sang US sa pagdi-
senyo kag pagplano sang mga kam-



Tuig XLI No. 10 Mayo 21, 2010

Ang *Ang Bayan* ginabantala sa leng-
gwahe nga Pilipino, Bisaya, Iloko,
Hiligaynon, Waray kag Ingles.

Mahimo ini i-download halin sa
Philippine Revolution Web Central nga
makit-an sa:

www.philippinerevolution.org

Nagabaton ang *Ang Bayan* sang mga
kontribusyon sa porma sang mga
artikulo kag balita. Ginabuyok man
ang mga bumalasa nga magpaabot
sang mga saway kag rekomendasyon
sa ikauswag sang aton pahayagan.
Malab-ot kami paagi sa e-mail sa:
angbayan@yahoo.com

Kaundan

Editorial

| | |
|----------------------------------------|---|
| Singgit sg banwa, isug-alaw kay Aquino | 1 |
| Nagaindakal nga away Arroyo-Aquino | 3 |
| "Electronic Garci" | 4 |
| Garuk ang eleksyon Mayo 10 | 5 |
| WANTED | 6 |

Madinalag-on nga TO

| | |
|-----------------------------------|---|
| Meyor, apat nga eskort, ginhilway | 7 |
| 4 suldado, gin-aresto sa ComVal | 7 |
| Mga gwardya, dinisarmahan | 7 |
| Kabutigan sg AFP, ginpanginwala | 8 |

Pagpanghalit sg pasistang estado

| | |
|--------------------------------|---|
| Ituhaw si Embati | 8 |
| Pagpamatay sa Abra, ginatakan | 8 |
| Welga sa Triumph, ginguba | 9 |
| Brodkaster, gintuyo nga patyon | 9 |

Balita

10

Ang *Ang Bayan* ginabantala duha ka beses kada bulan
sg Komite Sentral sg Partido Komunista sg Pilipinas

panya sa pagtapna sang AFP batuk sa mga anti-imperyalista, progresibo kag demokratikong pwersa.

Padayon ang interes sang US sa pagpalig-on sang nagaharing sistema pangpulitika kag estado nga neokolonyal agud sa sini masiguro kag mapabilin nga mahapos ang pangmalawigan nga pang-ekonomya, pangpulitika kag pangmilitar nga interes sini sa Pilipinas. Lubos nga ginduso sang US sanday Arroyo kag mga karibal sini sa nagaharing sahi nga pagguwaon nga limpyo kag mapatihan ang bag-o gid lang natapos nga reaksyunaryong eleksyon agud pakalmahon ang mga kontradiksyon sa tunga sang magkaribal nga paksyon sa reaksyunaryo nga nagaharing sistema.

Bisan pa man, padayon nga magasingki ang mga kontradiksyon kag kalakasan sa tunga sang mga magkaribal nga reaksyunaryong paksyon bangud sa nagadalom nga krisis sa ekonomya, nagagamay nga matulunga nga resorsa sang estado kag nagasingki ang banggianay nila sa pulitika. Padayon nga magadalom kag magasingki ang krisis sang nagaharing sistema pangpulitika samtang tuyo ni Aquino nga gamiton ang gahum kag padayon nagapadihot si Arroyo para ipabilin ang kaugalingon sa poder, malikawan nga mabista kag masilutan.

Padayon nga pagatay-ugon ang papet nga reaksyunaryong estado sang mga kontradiksyon sa kubay sang mga nagaharing sahi kag sang nagasingki nga mga paghimakas sang pumuluyo.

Ang mga rebolusyonaryong pwersa magaatubang sang tuman kapaborable nga kahigayunan para pasingkion ang rebolusyonaryo nga paghimakas. Determinado sila nga magsulong sa dalan sang inaway banwa kag isulong ang pungsodnon kag demokratikong handum sang pumuluyong Pilipino. **AB**

Ang nagaindakal nga away Arroyo-Aquino

Samtang nakasentro ang reaksyunaryong paksyon nanday Benigno Aquino III sa pagpungko sa Malacañang sa katapusan sang Hunyo, padayon ang pagmaniobra sang hubon Arroyo agud pat-uron nga mapabilin ang daku-daku nga bahin sang gahum sang estado sa ila kamot. Tuyo nila nga lubos nga uyatan liwat ang poder sang estado sa ulihi. Kon indi makahimo sang desaysibong tikang ang kampo Aquino, mangin madali nga target sang mga padihot nanday Arroyo ang magapungko nga presidente.

Sa subong, nagapabilin nga buhi ang pamahog sang pagpalawig ni Arroyo sa iya gahum. Naka-handa gihapon siya nga hingalitan ang anuman nga kinagamo nga posible mag-igrab sa hiwaton nga pag-isip sang Kongreso sang mga boto sang presidente kag bise presidente. Gamit gihapon ang mga kahimbon ni Arroyo sa subong nga Kongreso, mahimo nila nga itumod ang dalagan sang isipay sa pagbuyagyang kag imbestigasyon sang mga dayaan para makwestyon ang pagdaog ni Aquino kag iban pa nga kandidato sa mga nasyunal nga pwesto.


Kadungan sini, nagapadayon ang mga tuso nga iskema ni Arroyo para makapangibabaw sa Kongreso kag agawon ang pusisyon sang Speaker sa madugay kag sa madali. May uyat si Arroyo nga masobra 100 kongresista. Bangud man sa probisyon sa badyet subong nga tuig kon sa diin ginsaylo na sa Speaker halin sa presidente ang gahum sang pagpaguwa sang "pork barrel" sang mga kongresista, mabudlayan si Aquino nga gamiton ini para baklon ang mga kongresista pareho sa ginhimo ni Arroyo sang nagligad nga siyam ka tuig.

Kon masunod ang plano ni Arroyo nga mapung-

ko bilang Speaker, ginalauman nga labing una niya nga asikasuhon ang pagduso sang pagbag-o sang konstitusyon para hatagan-dalan ang pagpungko niya bilang Primer Ministro sa idalom sang sistemang parlamentaryo.

Madugay nga ginhandaan ni Arroyo ang nakatakda niya nga paghalin sa Malacañang. Ginpat-ud niya nga ang sin-o man nga magapungko nga presidente mabudlayan sa lubos nga pag-uyat sang gahum kag sa pagpasabat sa iya krimen. Sadtong Marso pa napapungko na niya bilang hepe sang AFP si Gen. Delfin Bangit, madugay niya nga loyalista. Sa pihak sang mabaskog nga pagpamatuk, ginpadayon niya ang pagnombrar sang nagligad nga simana kay Renato Corona bilang bag-ong puno nga mahistrado sang Korte Suprema.

Ang pagnombrar ni Arroyo sa tampad nga tinawo niya nga si Corona ang isa sa mga una niya nga siod nga ginlatag para paluyahon ang poder ni



Aquino. Kon pagabanggaon ni Aquino ang pagnombrar kay Corona, mahimo siya nga akusahan nanday Arroyo sang paglapas sa konstitusyon kag ipaidalom sa *impeachment*. Kon batunon naman ni Aquino si Corona, lauman nga madamo nga mga desisyon sang Korte Suprema ang magabangga sa mga aksyon sang Malacañang. Ang pagnombrar kay Corona isa ka tikang nga may katuyuan nga uk-ukon ang gahum ni Aquino. Patud nga madamo pa nga iban nga siod ang igalatag ni

Arroyo sa masunod nga inadlaw.

Ang mabaskog nga banggianay nga Aquino-Arroyo amo ang salaming sang kadalom kag kasingki sang banggianay sang magkaribal nga paksyon sang nagaharing sahi. Ang pagsingki sang banggianay nga ini pat-ud nga magakadto sa labi pa nga paglala sang krisis sang nagaharing sistema pangpulitika nga dapat mahingalitan sang rebolusyonaryo nga hublag. AB

"Electronic Garci"

Madamo ang nakibot kag natingala sa wala ginalauman nga kadasig sang pag-isip sang mga resulta sa pinakauna nga *automated* o de-kompyuter nga eleksyon sa pungsod. Gindayaw ini sang mga imperyalista kag daku nga kumprador sa pungsod. Napahipos bisan ang kampo ni Aquino nga pila ka beses nga nagpamahog sang pag-alsa sang pumuluyo kon magpalyar ang eleksyon.

Apang makalipas ang pila ka adlaw, nagagwa nga ang mga report kag impormasyon bahin sa mga dayaan kag iregularidad sa eleksyon, pati na ang mga kaso sang korapsyon sa sulod sang Commission on Elections (COMELEC).

Madamo sang pamangkot ang nagapangita sang sabat. Pila sa masobra 76,000 PCOS *machine* ang aktwal nga nakapadala sang resulta sang botohan? Ngaa may nalista nga 153,902,003 botante, o tatlo ka pilo sa aktwal nga nakarehistro, sa sentral nga kompyuter sang COMELEC? Ginpaathag man si COMELEC Chairman Jose Melo kon ngaa nag-umpisa na siya nga magbasa sang mga resulta sadtong alas-6:30 sang gab-i, samtang alas-7:00 pa sang gab-i ang pinakatembrano nga pagtapos sang botohay sa mga presinto.

Lapnagon man ang mga pagduda nga ang pagpangdaya nakaprograma sa mismo *flash card* nga amo ang nagapadalagan sa mga PCOS *machine*. Wala nagpasugot ang COMELEC kag ang Smartmatic, ang dumuluong nga pribadong kumpanya nga gin-empleyo sang COMELEC, nga ipausisa sa publiko ang programa nga kaundan sang mga *flash card* nga ini. Pila ka adlaw antes

ang eleksyon, nagagwa nga palyado ang mga makina sa pag-isip, gani dali-dali nga gin-islan sang Smartmatic-TIM ang mga *flash card*. Ginaduso sang nagkalainlain nga grupo nga usisaon ang mga daan kag ginbaylo nga *flash card*, liw-as sa mandu ni Melo nga gub-on na ini.


Labi nga nagbaskog ang mga pagduda sa *automated elections* sang may masapwan nga 67 PCOS *machine* sa balay sang isa ka teknisyen sang Smartmatic-TIM sa Antipolo. Ginhimo lang kuno sang teknisyen ang trabaho niya nga taguon ang mga makina, siling sang COMELEC kag Smartmatic. Pero nagapati ang iban nga kampo nga ang mga makina nga ini gingamit sa pagpadala sang mga ginduktor nga resulta sang eleksyon. Sa pag-usisa sa mga makina, nadiskubre nga ang mga ini nagpadala sang mga "resulta" sang eleksyon halin Mayo 9 (isa ka adlaw antes ang eleksyon) tubtub Mayo 11. Madamo pa nga iban nga

nagareklamo sa paglain sang petsa sang pag-isip kag transmisyen sang mga isip sa COMELEC, ang iban sadtong Abril pa kuno nag-umpisa. In-di ini maayo nga mapaathag kag sa baylo ginpakamenos sang Smartmatic-TIM.

Samtang, naghayag sa isa ka bidyo ang isa ka nakamaskara nga lalaki nga nagpakilala nga daan nga teknisyen sang COMELEC. Naimbolbar kuno siya sa pagpangilis sang balota, paggamit sang iban nga mga *flash card* kon sa di-in nakaprograma na ang mga magadaog nga kandidato kag *jamming* o pagbara sa elektronikong transmisyen sa COMELEC sang mga resulta sang isipay. Nabuhinan kuno sang lima ka milyon ang mga boto ni Joseph Estrada, amo man kanday Gilbert Teodoro kag Eddie Villanueva para madugang ini sa mga boto nanday Noynoy Aquino kag Jejomar Binay. Nagahanda naman ang kampo ni Estrada sang kuno mabakod nga pamatuod sang "hocus-PCOS."

Malapad man ang pagkabalaka sa pagkadiskubre sa tambakan sang basura sa Cagayan de Oro sang sinako nga mga *flash card*, balota kag iban pa nga kagamitan sa eleksyon.

Ginpahayag man sang anay Solicitor General Francisco Chavez nga kasuhan niya ang mga upisyal



sang COMELEC bangud sa pagkada-lahig sang mga ini sa korapsyon kag pagpangdaya. Siling ni Chavez, si Commissioner Rene Sarmiento lang ang limpyo sa COMELEC. Ginbuyagyag man nanday Melchor Magdamo, anay abugado sang COMELEC kag Dr. Arwin Serrano, isa ka *coordinator* sang Parish Pastoral Council on Responsible Voting nga natalana sa COMELEC ang mga anomalya pareho sang sobra-sobra nga pagpresyo sa mga kagamitan sa eleksyon pareho sang mga *folder*, paggamit sang peke nga *indelible ink* (tinta nga indi mapanas) kag pagbenta sang mga "pagpadaog" sa eleksyon.

Bangud indi na mapahigad ang kadamo sang mga napahayag nga anomalya, napilitan na nga magpatawag sang imbestigasyon ang Manubo nga Panaligan. Sining Mayo 19 gin-umpisahan na ni Rep. Teodoro Locsin Jr., pangulo sang Committee on Electoral Reforms and Suffrage ang mga pagbista bahin diri. Wala sang maathag nga sabat ang mga representante sang Smartmatic-TIM sa mga pamangkot nga ginplastar sa pagbista, lakip na ang mga makaduluda nga petsa kag oras sang transmisyon sang mga resulta kag ang mga pamaagi para masiguro kon peke o indi ang mga *election return*.

Samtang nagadamo ang nabuyagyag kag napamatud-an bahin sa "Electronic Garci," labi nga nagadaku ang duda kon nangin limpyo kag mapatihan ang nagligad nga eleksyon.

Ang imbestigasyon sang Kongreso sa mga nagtuluhaw nga anomalya sa nahiawat nga eleksyon ginahingalitan subong sang mga tinawo ni Arroyo nga nagapamuno sa Kongreso para iatrasar kag ibitin tubtub Hunyo 30 o tubtub sa masarangan nila ang upisyal nga deklarasyon sa mga nagdaog sa eleksyon para sa presidente kag bise presidente. **AB**

Garuk ang eleksyon Mayo 10

Wala sang kinalain sa esensya ang nagligad nga eleksyon sa daan na nga bulok nga mga reaksyunaryong eleksyon. Padayon nga naghari ang kalakasan, kwarta, pagpaniplang kag pagpangdaya. Mga garuk nga pulitiko gihapon ang nabutang sa pwesto.

Ginaharian gihapon sang mga tuta sang imperyalismong US ang Malacañang kag Kongreso. Nagbayluhanay lang sang mga pwesto ang daan na nga mga tagadumala sang malakolonyal kag malapyudal nga sistema sa pungsod kag manugsakdag sang ila nga makasahi kag makinaugalingon nga interes.

Mayor diri ang pagbalik sang pamilya Aquino-Cojuangco sa pinakamataas nga pusisyon sang estado.

Isa man ka lutaw nga ehemplo ang pagbalik sa poder sang pamilya sang pasistang diktador nga si Ferdinand Marcos. Nagdaog nga kongresista sang Ilocos Norte ang byuda niya nga si Imelda, samtang nagdaog nga gobernador didto ang panganay nila nga si Imee. Nagdaog man nga senador ang isa pa nila ka anak nga si Ferdinand Jr. Makaligad ang sobra 20 tuig halin sang mapukan ang mga Marcos, padayon sila nga nagapalayag sa pulitika samtang padayon nga ginadumili ang katarungan sa linibo nga biktima sang pasistang diktadurya.

Ara gihapon sa poder ang pamilya Arroyo. Mismo si Gloria, ang duha niya ka anak kag iya bayaw magapungko sa bag-ong Kongreso.

Sa Isabela, nakabalik ang dinastiya Dy gamit ang lapnagon nga pagpamahog, pagbakal sang boto kag baraghal nga pagpangdaya. Nagdaog nga gobernador si Faustino Dy III maluwas pa sa pitto niya nga kapamilya nga nagdaog sa nagkalain-lain nga pwesto sa Isabela. Sa Ilocos Sur, nagdaog nga gobernador si Chavit Singson maluwas sa 12 pa niya nga kapamilya nga nagdaog sa nagkalain-lain nga pwesto. Sa Pampanaga, nagdaog nga gobernador si

Lilia Pineda, kilala nga nagpadalagan sang jueteng kag suod nga kaalyado ni Arroyo.

Sa Senado, lunsay mga daan nga ngalan sa reaksyunaryong pulitika kag mga artista ang liwat nga makapungko. Ginalauman nga magpadayon sa daan nga nabugtawan nga pagpadalagan kag polisiya pabor sa garuk nga nagaharing sistema.

Samtang, gin-istriktuhan pa ang mga progresibong kandidato kag partido nga nagpasakop sa eleksyon. Hayag nga nangampanya ang AFP para gub-on ang mga ini, ginpanguha ang mga poster nila kag ginpahog ang mga pumuluyo nga magaboto sa mga ini. Sa pihak sini, may pila gihapon nga mga progresibong partido nga ginalauman nga makapungko sa Kongreso.

Kadungan sini, todo-todo nga ginbaboy sang mga nagaharing sahi ang sistemang *party-list*, nga tuyo kuno nga may mga tiglawas ang mga agrabyadong sektor sa Kongreso. Wala-tuo ang mga grupo sang *party-list* nga gintukod o gingamit sang hubon Arroyo kag iban pang manggaranon kag poderoso para mapadaug ang ila mga tinawo. Mismo si Mickey nga panganay sang mga Arroyo makapungko bilang kongresista nga magatiglawas kuno sang mga *security guard*.

Ang resulta sang nagtaliwan nga eleksyon pamatuod nga ini nagaserbi para padayunon kag hatagan sang panibag-ong hitsura ang nagaluntad nga garuk nga sistema sa pungsod. Sa katapusan, rebolusyon ang pinakamalauman sang pumuluyo para sa tunay nga sandigan kag nagapadayon nga mga pagbag-o. **AB**

WANTED



GLORIA MACAPAGAL-ARROYO

TUTA SANG KANO

Ginpahanugutan ang permanenteng presensya sang masobra 600 tropa nga Amerikano sa Zamboanga. Ginhilway si Smith, suldado nga Amerikano nga nanglugos sa isa ka Pilipina.

TRAIDOR SA BANWA

Nagpatuman sang pinakamalaut nga makiimperyalistang polisiya sang liberalisasyon, pribatisasyon, deregulasyon nga nagpaantus sa banwa.

MANUGPATAY-TAWO

Nagpatuman sang OBL 1 kag 2 nga nagduso sa lapnagon nga pagpamatay, pagdukot, tortyur kag iban pang paglabag sa tawhanong kinamatarung.

MADAYA

Nabutang sa Malacañang paagi sa lapnagon nga pagdinaya nga nabuyagyag sa iskandalo "Hello Garci." Wala sang untat nga nagpangampanya para bag-uhon ang konstitusyon para palawigon ang iya termino.

MATAKAW

Nadalahig sa 16 nga daku nga kaso sang korapsyon nga nabuyagyag halin 2001 tuhtub 2008. Nagpatuyang sa binilyon nga kaban sang banwa samtang ang pumuluyo nalubong sa kaimulon kag gutom.



Meyor, apat ka eskort, ginhilway sang BHB

Ginhilway sang Bag-ong Hangaway sang Banwa (BHB) sang Mayo 17 mga alas-5:00 sang hapon si Roberto "Jimmy" Luna Jr., alkalde sang Lingig, Surigao del Sur kag ang iya apat ka eskort nga sanday Pfc John Rey Abao kag Pfc Arnel Dizon sang Philippine Army, P02 Boy de Castro kag P03 Alan Dapitanon sang Lingig Municipal Police Office.

Ang paghilway sa ila, nga ginhilway sa Diwata Mountain Range sa dulunan ang Agusan del Sur, Surigao del Sur kag Compostela Valley, ginbase sa mandu sang demokrati-kong gubyrno sang banwa sang Prenteng Gerilya 20 sa Conrado Heredia Command-Bag-ong Hangaway sang Banwa (CHC-BHB).

Ang apat gin-aresto sang hangaway sang banwa sa isa ka mahulag nga tsekpyont nga gintukod sang mga Pulang hangaway sang CHC-BHB sang Mayo 5 samtang pakadto ang grupo sa Davao City. Nakumpiska sa ila ang mada-mo nga armas nga may lain-lain nga kalibre. Ginhilway si Luna bangud sa pag-ako kag pagpangayo pasaylo sa mga krimen niya sa banwa kag bangud sa makatawong kunsiderasyon sa mga apela sang ila mga pamilya, abyan kag lain-lain nga indibidwal kag grupo.

Nag-ako ang meyor sang sala nga pagtukod sang pribadong armadong hangaway nga ginalakipan sang mga elemento sang AFP kag PNP kag bayarang *goons*. Gingamit niya ini para sa iya mga pulitika kag pang-ekonomiyang interes kag sa proseso may mga ginlapas siya nga tawhanong kinamatarung.

Padayon ang imbestigasyon sang korte sang banwa bahin sa iya kaangtanan sa pagpatay sa anay meyor sang Lingig Amerosin V. Onsing sang 2001 kag sa mag-utod nga Suazo sa Baryo Union sang 2007; pag-agaw sang 30 ektaryang duta sang mga mangunguma sa Baryo Pagbacatan kag Dahican Island; malaparan nga sobra nga

sa manggad sang banwa.

Samtang gin-untat ang detensyon, magapadayon ang rebolusyonaryong ligal kag hudisyal nga proseso sa mga kaso ni Luna. Sa bahin naman sang apat nga eskort nga bihag suspendido ang imbestigasyon sa ila.

AB

4 suldado, gin-aresto sa ComVal

Gin-aresto sang mga Pulang hangaway sang Crucifino Uballas Command sang Bag-ong Hangaway sang Banwa sadtong Mayo 12 sa Barangay Concepcion, Mawab, Compostela Valley sanday Cpl. Marcial B. Bawagan, Cpl. Ariel P. Asumo kag Cpl. Eduardo Alcala sang Philippine Army kag isa ka elemento sang CAFGU nga si Victor Pito-go.

Gin-aresto sila bangud sa ila nga mga kontra-rebolusyonaryong aktibidad kag paglapas sa tawhanong kinamatarung sa ila lugar sang operasyon. Sa pagkamatuod, may mga kaso sila sa Commission on Human Rights sang reaksyunaryong gubyrno pero wala sang aksyon nga ginhimo ang natungdan.

Sa subong ginapaidalom sa imbestigasyon ang apat. Ginasisiguro sang BHB-Southern Mindanao sa mga pamilya sang mga bihag nga ginatrato sila sang maayo base sa Internasyunal nga Makatawo nga Layi kag mga Protokol sang Gera.

Samtang sa Negros Occidental, napilasan si Pfc Fred Gustilo sang ambuson sang mga Pulang hangaway ang isa ka tim sang 61st IB samtang nagapatrulya sa Sityo Libas, Barangay Basak, Bacolod City sadtong Mayo 12.

Mga gwardya, gindis-armahan

Gindis-armahan sang BHB ang mga gwardya sang manukan sang despotikong agalon nga mayduta nga si Miguel Sola sa Sityo Acapulco, Barangay Mahalang sa Himamaylan, Negros Occidental sadtong Mayo 7. Sa isa ka pahayag, ginsiling sang Leonardo Panaligan Command-BHB nga nakumpiska sa mga bantay ni Sola ang isa ka KG9 *machine pistol* nga may 60 bala, isa ka kalibre .38 rebolber kag iban pa nga kagamitan militar. Nakumpiska man ang 18 ka manok nga pangbulang ni Sola.

Ginsalakay sang BHB ang manukan bangud sa mga reklamo sang 25 ka pamilya nga nagaestar sa palibot sang manukan. Pito ka pamilya ang nawad-an sang palangabuhian kag 18 pamilya ang wala ginasugtan nga kay-uhon ang ila mga balay halin sang magpatindog sang manukan si Sola sa erya. Ginasakit kag ginapaandaman man sang mga gwardya ang residente sa lugar.

Kabutigan sang AFP, ginpanginwala

Mabaskog nga ginpanginwala sang Narciso Antazo Aramil Command (NAAC) sang BHB sa Rizal ang pasibangud sang Armed Forces of the Philippines nga gin-ambus sang mga Pulang hangaway ang mga suldado sang gubyrno samtang naga-eskort sila sang PCOS (Precinct Count Optical Scan) *machine* sa Sityo Kinabuan, Barangay Sta. Ines, Tanay, Rizal sadtong Mayo 12.

Napatay sa ambus si Pfc Roel Escote sang Philippine Army kag malubha nga napilasan ang isa nga wala pa nahingadlan nga tinyente.

Indi matuod nga may papel ang militar sa paghatag sang seguridad sa PCOS *machine*, siling sang NAAC. Sa pagkamatuod, sang Hulyo pa sa erya ang gintingub nga pwersa sang 22nd Division Reconnaissance Coy sang 2nd ID kag berdugong 16th IB-PA. Nagalunsar ang mga ini sang mabaskog nga operasyon kon sa diin ginaharas, ginapahog, kag ginapasibangdan nga mga katapu sang BHB ang mga mangunguma, setler kag tumandok nga Dumagat. Nagtuga ang ila mga operasyong militar sang grabeng kabudlayan sa mga pumuluyo sa lugar.

Natabo ang operasyon isnay-ping sang Mayo 12 sa Sityo Kinabuan nga mga lima ka kilometros ang kalayuon sa ginahiwatan sang botohan. Antes sini, nakahalina ang mga tinawo sang Board of Election Inspectors kag Smartmatic kag dala nila ang mga PCOS *machine* sang aga sang Mayo 11.

Sa pagbinutig sampaton ang mga propagandista sang militar para takpan ang ila kapaslawan sa kamot sang rebolusyonaryong kahublagan, siling ni Macario Liwanag, tagapamaba sang NAAC. **AB**

Ituhaw si Embati, panawagan sang BHB-FSMR

Nagapanawagan ang Valentin Palamine Regional Operational Command (VPROC) sang Bag-ong Hangaway sang Banwa sa Far South Mindanao sa Philippine Army nga gilayon ituhaw si Serafin Tababamba Embati, 47, nga gindukot sang tatlo ka operatiba sang 39th IB sa Magsaysay, Davao del Sur sadtong aga sang Mayo 7.

Si Embati (Ka Lotlot) taga-Barangay Nabundasan, Tulunan, North Cotabato. Katapu siya sang BHB nga madugay na nga nagpahuway bangud sa problema sa ikayayong lawas. Pakadto siya sa ospital sang dukuton sang militar sa poblasyon sang Magsaysay.

Mahimo nga mapatay si Ka Lotlot sa kamot ang mga militar kon indi gilayon siya mahatagan sang nagakadapat nga atensyon medikal bangud sa grabeng sakit sa bato. Luwas diri, madamo man ang nakasaksi sa pagpanakit sa iya sang mga ahenteng militar sang balabagan ang motorsiklo nga iya ginsakyan. Duguon ang

iya ulo sang dukuton siya sang mga suldado.

Nagapanawagan ang VPROC sa militar nga tahuron ang internasyunal nga makatawong layi kag ihatag kay Ka Lotlot ang iya mga kinamatarung.

Samtang, ginluthang kag napatay sang indi nakilalang mga suspek si Jim Gales, 32, drayber sang Bayan Muna, sa Baryo Little Panay, Panabo City, Davao del Norte sining Mayo 19, mga alas-2 sang hapon.

Nag-agum siya sang sobra napulo ka igo sang bala sa lawas. Nakasakay siya sa iya motorsiklo sang luthangon sang riple nga **AB**

Pagpamatay sang mga suldado sa Abra, ginatakpan

Isa ka *news blackout* ang ginmandu sang Philippine Army agud itakpan ang pagpatay sang mga suldado sang Bravo Coy 41st IB sang Philippine Army sadtong Mayo 1 kay Levi Mamac, 22, residente sang Barangay Tampalac sa banwa sang Lacub, Abra. Ang mga suldado ginpamunuan ni 1Lt. Federico Morales.

Nagbalibad ang Philippine National Police nga imbestigahan ang natabo nga insidente sa pihak sang pag-ako kuno sang mga suldado sa krimen. Gilayon nga naghalina sa erya ang mga suldado sadtong Mayo 2.

Sini man nga Mayo, ginhimo nga kasilyas sang mga tropa sang Charlie Coy, 41st IB ang tangke sang ilimnan nga tubig sang Barangay Mataragan sa banwa sang Malibcong. Ginapamilit sang mga akig katama nga residente sa mga upisyal sang Philippine Army nga silutan ang naumid nga mga suldado. Asta subong wala gihapon sila ginapamatian sang mga aroganteng upisyal sang militar. **AB**



Welga sa Triumph, ginguba

Makahas nga ginbungkag sang mga gwardya, *goons* kag elemento sang PNP ang piketlayn sang Bagong Pagkakaisa ng Manggagawa sa Triumph International (BPMTI) sang Mayo 4 sa Taguig City.

Suno sa Tanggol Kabuhayan Pilipinas, ang pagbungkag ginhiro pagkatapos ipaguwa sang korte ang Temporary Restraining Order (TRO) pabor sa kumpanya sang Triumph nga nagdeklara nga ilegal ang welga. Ginpatuman ini sang Sheriff sang Pasig City Trial Court upod ang 100 gwardya sang Food Terminal Incorporated (FTI) nga ginapanag-iyahan sang guberno, sobra sa 50 *goons* nga naka-*bonnet*, 30 elemento sang PNP-Taguig kag mga barangay tanod sa Western Bicutan. Ginpaandaman sang Sheriff ang mga welgista nga dapat bungkagon na ang piketlayn sa sulod sang lima ka minutos.

Pagkalipas sang limang minuto gilayon ginbungkag sang mga gwardya sang FTI ang piketlayn. Ginguba nila ang mga *tent*, *istimer*, kagamitan sa kusina, lamesa, mga *water jug* kag pati ang mga *sewing machine* nga alternatibo

nga ginapangitan-an sang mga welgista.

Indi pa kuntento, pwersahan nga ginsulod sang *goons* ang upisina sang unyon sa likod sang pabrika. Lima ka lider-obreros ang gin-

haras kag pwersahan nga ginpaguwa sa upisina. Nag-agom sila sang pilas kag kubit sa lawas. Sang Mayo 6 naman gintuyo sang mga pulis nga bungkagon ang gintukod liwat nga piketlayn samtang naganegosyar sa maneydsment ang obreros.

Gilayon nga ginkundena sang mga mamumugon ang ginhiro nga harasment, pagpamahog kag surbeylans sa ila. Ginaduso nila sa guberno nga ibasura ang TRO. Ginaduso man nila sa maneydsment nga makignegosasyon ini sa pamunuan sang unyon kag ihatag ang nagakadapat nga benepisyo kag iban pa nga demanda sang mamumugon. Nagapanawagan man sila sang suporta halin sa mga kapareho nga mamumugon, tawong simbahan kag iban pa nga grupo para magpasaka sang kaso sa Swiss OECD National Contract Point batuk sa indi makatarungan nga pagpahalin sang Triumph International para sa obreros sini sa Pilipinas kag Thailand.

Napulok ka bulan na nga nakatindog ang piketlayn bilang protesta sang mga mamumugon sa pagpahalin sa ila kag pagsarado sang kumpanya. AB

Brodkaster sa Kalinga, gintuyo nga patyon

Napilasan si Jerome Tabanganay, 44, isa ka brodkaster sa Radyo ng Bayan sa Bulanao Norte, Kalinga sang gintuyo nga patyon sadtong aga sang Mayo 15. Suno sa National Union of Journalists of the Philippines (NUJP), ginluthang sang duha ka lalaki nga nakasakay sa isa ka motorsiklo si Tabanganay samtang ara sa istasyon sang radyo kag nagahulat para umpisahan ang iya programa.

Ginpalapitan kag ginpamangkot sang duha ka beses sang isa ka tawo si Tabanganay kon ano ang iya ngalan. Masunod sini apat ka beses siya nga ginluthang. Naigo siya sa tuhod kag batiis.

Perni ginakundenar ni Tabanganay ang kriminalidad kag korapsyon sa guberno sa iya programa. AB

17,000 bag-ong estudyante sa PUP, ginpahanugutan nga magbutho

LIWAT nga nagmadinalag-on ang ululupod nga paghulag sang mga bumulutho sa Polytechnic University of the Philippines (PUP) kag sang ila mga ginikanan pagkatapos nga maobligar ang administrasyon sang PUP nga pahanugutan nga maka-enrol ang 17,000 bag-ong estudyante sa maabot nga pagbukas sang klase sa Hunyo.

Nauna nga ginsiling na sang administrasyon sang PUP nga 7,000 lang ang ila pasugtan nga mag-enrol sa masunod nga pagbukas sang klase. Pero bangud sa ululupod nga paghulag kag pagdayalogo sang mga estudyante kag ginikanan sa Commission on Higher Education ginpasugtan man nga batunon ang dugang nga 10,000 nga nakapasa sa eksamen sang unibersidad.

Luwas diri, ginbatuan kag napaslaw man sang mga estudyante ang plano sang administrasyon nga sukton ang magabutho nga mga estudyante sa College of Technology sang matrikula nga nagabalor sang P6,000 kada semestre o P250 kada yunit.

Plano tani sang administrasyon nga pilit nga pasudlon ang daku nga porsyento sang mga bag-ong estudyante sa College of Technology. Suno kay Chaser Soriano, pangulo sang Central Student Council, "Ginapasalig lamang sang administasyon sang PUP ang mga estudyante nga nakapasar sa *entrance examination* nga makuha ang gusto nila nga kurso. Gali, pilit nga ginapakuha man ang kurso nga mas mataas ang matrikula."

Sang Marso 29, ginbasura sang Board of Regents sang PUP ang 1,567% nga pagtaas sang matrikula tuga sang mabaskog nga hublag-protesta.

Mga imol nagmadinalag-on batuk sa demolisyon

NAG-AGOM sang kadalag-an ang mga imol sa syudad sa Quezon City pagkatapos sang ila ululupod nga paghulag batuk sa demolisyon.

Nagpakita sang kusog ang 700 residente sang Sityo San Roque, Baryo Bagong Pag-asa sa North Avenue, Quezon City pagkatapos magbarikada sa kahabaan sang EDSA sadtong Mayo 14. Suno sa Kalipunan ng Damayang Mahihirap (KADAMAY), mabaskog nila nga ginapamatukan ang proyekto nga Quezon City-Central Business District (QC-CBD) nga magapahalin sa imol kag magaguba sa ila mga puluy-an. Siling nila, ang proyekto nga ini indi man mapuslan sang mga imol.

Gindampigan sang National Housing Authority (NHA) ang panawagan sang residente nga ipaiway anay ang demolisyon bisan tapos na ang 30 ka adlaw nga palaso nga ginhatag sa mga apektadong residente.

Amo pa man, indi dapat magpabaya ang mga residente bangud anuman nga oras pwede magatake ang mga tagademolis kag pwedeng manabotahe paagi sang

panununog sa komunidad, siling sang KADAMAY. Kinahanglan man nila nga uyatan ang barikada bangud indi kongkreto nga solusyon ang ginhimo nga desisyon sang NHA.

Ang QC-CBD pangunahon nga proyekto ni Feliciano Belmonte Jr., meyor sang Quezon City kag subong nagdaog nga tiglawas sang ikaapat nga distrito sang syudad. Tuyo niya nga himuon nga sentro sang komersyo ang 250 ektarya nga kadutaan sa sentro sa syudad.

Halin pa sang 2008 mabaskog nga ginapamatukan sang KADAMAY kag Confederation for the Unity, Recognition and Advancement of Government Employees ang QC-CBD. Apektado diri ang 3,000 imol nga pamilya nga madulaan sang pangabuhian. Pwersahan man nga sayluhon o bungka-gon ang pila ka upisina kag ahensya sang gubyerno nga makita diri, amo nga nameligro ang trabaho sang linibong empleyado sang gubyerno. Sa subong nasaylo na ang Golden Acres Home for the Aged kag naapektuhan man ang Parks and Wildlife Bureau Nature Center.

Mga pulis, gin-ambus sang mga Maoista sa India

MADINALAG-ON ang pinakaulihi nga opensiba sang mga hangaway sang People's Liberation Guerrilla Army (PLGA) sang Communist Party of India-Maoist sang ila ambuson ang ginasakyan nga bus sang mga nagaoperasyong pulis sa distrito sang Dantewada, sa estado sang Chhattisgarh, India sang Mayo 17. Naguba ang unahan sang bus sang palukpan ini sang eksplisibo.

Suno sa inisyal nga report,

naglab-ot ang kaswalti sa sobra 20 ka upisyal sang pulis kag mga tinawo nila. Mas mataas ang isip sang mga napatay (50) base sa pagbalita sang pila ka lokal nga istasyon sang telebisyon.

Sang Abril 6, nag-agom sang 76 nga kaswalti ang mga pwersa sang gubyerno sa mga serye sang pag-ambus nga ginahimo sang PLGA sa pagpaslaw nila sa Operation Green Hunt sang reaksyunaryong gubyerno sang India.

WANTED



GLORIA MACAPAGAL-ARROYO

TUTA SANG KANO

Ginpahanugutan ang permanenteng presensya sang masobra 600 tropa nga Amerikano sa Zamboanga. Ginhilway si Smith, suldado nga Amerikano nga nanglugos sa isa ka Pilipina.

TRAIDOR SA BANWA

Nagpatuman sang pinakamalaut nga makiimperyalistang polisiya sang liberalisasyon, pribatisasyon, deregulasyon nga nagpaantus sa banwa.

MANUGPATAY-TAWO


Nagpatuman sang OBL 1 kag 2 nga nagduso sa lapnagon nga pagpamatay, pagdukot, tortyur kag iban pang paglabag sa tawhanong kinamatarung.

MADAYA

Nabutang sa Malacañang paagi sa lapnagon nga pagdinaya nga nabuyagyag sa iskandalo "Hello Garci." Wala sang untat nga nagpangampanya para bag-uhon ang konstitusyon para palawigon ang iya termino.

MATAKAW

Nadalagig sa 16 nga daku nga kaso sang korapsyon nga nabuyagyag halin 2001 tuhtub 2008. Nagpatuyang sa binilyon nga kaban sang banwa samtang ang pumuluyo nalubong sa kaimulon kag gutom.

**ANG****Bayan**

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Tuig XLI No. 10
Mayo 21, 2010

www.philippinerevolution.net

Editorial

Mga singgit sang banwa ang isug-alaw sa magapungko nga rehimeng Aquino

Nagaguwa nga ang masunod nga mamuno sang neokolonyal nga estado sa Pilipinas amo si Benigno “Noynoy” Aquino III, base sa pauna nga resulta sang nagtaliwan nga reaksyunaryong eleksyon.

Sa tion nga makapungko si Aquino sa Hunyo 30, determinado ang pumuluyong Pilipino nga iduso ang paglubad sang mga basehan nga pangpulitika kag sosyo-ekonomikong halambalanon nga madugay nila nga ginantus sa idalom sang garuk nga sistemang malakolonyal kag malapyudal.

Numero Uno nga singgit sang pumuluyong Pilipino ang pagbista kag pagsilot kay Gloria Arroyo kag iya nga mga kahimbon sa tanan nila nga krimen samtang ara sa poder.

Katarungan ang singgit nila sa tuman kadamo nga kaso sang pagpangdam-bong, lakip ang pila ka bilyong piso nga suhol sa proyekto nga ZTE-National Broadband Network, proyektong IMPSA-Caliraya, proyektong Diosdado Macapagal Boulevard, pagpanunto sang Fertilizer Fund kag Swine Fund kag iban pang kaso sang daku nga pagpandambong.

Ginaduso nila ang katarungan kag kabayaran sa tuman kadamo nga krimen sa katawhan kag paglapas sa tawhanong

kinamatarung sa pagpatuman sang Oplan Bantay Laya 1 kag 2. Hustisya ang singgit sang mga tagapangapin sang tawhanong kinamatarung kag mga pamilya, abyan kag tagasuporta sang masobra isa ka libo nga biktima sang ekstrahudisyal nga pagpamatay, linibo pa nga ilegal nga ginaresto, gintortur kag ginkulong, gindukot kag nangin desaparesido; kag pila ka milyon nga biktima sang pwersahang



Mga tampok sa isyu nga ini...

Ang nagaindakal nga away Arroyo-Aquino
PAHINA 3

Meyor, 4 nga eskort, ginhilway
PAHINA 7

Ituhaw si Embati --BHB-FSMR
PAHINA 8

Mga instruksyon sa paglilimbag

1. Ang **sinundang dalawang pahina**, na eksaktong kopya ng pahina 1 at 6 maliban sa ilang mas mapusyaw ana mga letra ay para sa mga gumagamit ng *mimeo machine* o naglilimbag sa paraang *v-type*. Idinisenyo ito para hindi madaling makasira ng istensil.

2. Pag-*print* sa istensil:

- a) Sa *print dialog*, i-check ang **Print as image**
- b) Alisin ang *check* sa **Shrink oversized pages to paper size**
- k) I-click ang **Properties**
- d) I-click ang **Advanced**
- e) Tiyaking naka-set sa **100%** ang **Scaling**
- d) Ituloy ang pag-*print*

3. Hinihikayat ang mga kasama na ipaabot sa patnugutan ng *AB* ang anumang problema kaugnay ng paglilimbag sa pamamagitan ng *v-type*. Magpadala ng *email* sa angbayan@yahoo.com